

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÊNSIA

03 Abríl – 2 Maiu 2021

KONTEÚDU

KONTEÚDU	2
LISTA AKRÓNIMU	3
RELATÓRIU MONITORIZASAUN ESTADU EMERJÉNSIA.....	4
PARTE I - SUSESU, DEZAFIU NO REKOMENDASAUN.....	6
A. Susesu.....	6
B. Dezafiu.....	6
C. Rekomendasaun.....	8
PARTE II – REZUMU REZULTADU MONITORIZASAUN	11
A. Área Monitorizasaun.....	11
C. Uza Máskara.....	14
D. Fase Liman.....	14
E. Devér Jerál Kooperasaun.....	15
F. Devér Espesiál Kooperasaun ba Responsavel Rejionál, Munisipál no Lideransa Komunitária sira nian.....	15
PARTE III – ATIVIDADE PDHJ	16
A. Tratamentu Kesar.....	16
B. Monitorizasaun	17
C. Intervensaun urgente liu husi rekomendasaun espesífika ba entidade sira.....	17
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA.....	18
PARTE V - TABELA II. FATIN MONITORIZASAUN.....	22

LISTA AKRÓNIMU

BNCTL	Banco Nacional de Comércio de Timor-Leste
SIJK	Sentru Integradu Jestaun Krize
COVID-19	Corona Virus 2019
DG	Decreto do Governo
EE	Estadu Emerjénsia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia dahaat
EE-5	Estadu Emerjénsia dalima
EE-6	Estadu Emerjénsia dane`en
EE-7	Estadu Emerjénsia dahitu
EE-8	Estadu Emerjénsia dawalu
EE-9	Estadu Emerjénsia dasia
EE-10	Estadu Emerjénsia dala sanulu
EE-11	Estadu Emerjénsia dala sanulu-resin-ida
F-FDTL	FALINTIL-Forças de Defesa de Timor-Leste
KO	Konfinamentu Obrigatoriu
MAE	Ministerio da Administração Estatal
MEJD	Ministério da Educação Juventude e Desporto
MESCC	Ministério do Ensino Superior, Ciência e Cultura
MI	Ministério do Interior
MOP	Ministerio das Obras Públicas
MS	Ministério da Saúde
MSSI	Ministério da Solidariedade Social e Inclusão
MTC	Ministerio dos Traspustes e Telecomunicação
PA-RAEOA	Prezidente Autoridade Rejiaun Administrativa Espesiál Oecusse-
Ambeno	
PDHJ	Provedor de Direitos Humanos e Justiça
PNTL	Polícia Nacional de Timor-Leste
RAEOA	Rejiaun Administrativa Espesiál Oecusse-Ambeno
RG	Rezolusaun Governu
SAS	Serviços de Água e Saneamento
SS	Serka Sanitária
MAPCOMS	Ministério Dos Assuntos Parlamentares E Comunicação Social

RELATÓRIU MONITORIZASAUN ESTADU EMERJÉNSIA

Períodu 03 Abril – 02 Maiu 2021

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru poder públiku, bele haree atu ida-idak la'o tuir lei ka lae, prevene injustisa no hala'o prosesu atu hadi'a injustisa. Órgaun ne'e iha kompeténsia ba defeza no promove direitus umanus, liberdade no garantia fundamentál sira-ne'ebé hatuur iha artigu 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigu 7.º no 19.º husi Lei Nú. 3/2008, 22 Feveiru ne'ebé estabese Rejime Estadu Sitiu no Estadu Emerjénsia, iha artigu 8.º no 9.º husi Lei Nú. 5/2021, 31 Marsu, kona-ba Autorizasaun ba Renovasaun Deklarasaun Estadu Emerjénsia, no artigu 8.º no 9.º haktuir Dekretu Prezidente Repúblika Nú. 17/2021, 31 Marsu 2021 rekoñese knaar no kompeténsia PDHJ nian hodi defende sidadaun sira nian direitu, liberdade no garantia fundamentál sira hodi prevene katak sidadaun sira la-hetan ameasa ka violasaun ruma.

Estatutu PDHJ hatur iha Lei Nú. 7/2004, 05 Maiu, artigu 24.º, ne'ebé altera ho Lei Nú. 8/2009, fô kompeténsia ba PDHJ hodi halo fiskalizaun no rekomendasaun. PDHJ iha kompeténsia hodi superviziona funsionamentu poder públiku sira-nia lala'ok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Implementasaun EE -12 haktuir Dekretu Prezidente Repúblika Nú. 17/2021, 31 Marsu 2021 hahú husi loron 3 Abril to'o loron 02 Maiu 2021. Relatóriu ida ne'e haree ba implementasaun medidas no ezekusaun Estadu Emerjénsia ba Dala Sanulu-Resin-Rua (EE - XII) no aplikasaun medidas tuir Dekretu Governu Nú. 12/2021, 01 Abril 2021, alteradu ho Dekretu Governu Nú. 13/2021, 19 Abril 2021. Aleinde ne'e monitorizasaun PDHJ tuir konteúdu husi Rezolusaun Governu (RG) kona-ba impozisaun Serka Sanitária (SS) no impozisaun Konfinamentu Domisiliáriu Jerál ba Populasaun/Konfinamentu Obrigatóriu (KO). Nune'e mós iha loron 9 Abril RG kona-ba impozisaun KO iha munisípiu Baucau no Viqueque mak kaduka ona no Governu deside mós suspensaun konfinamentu domisiliáriu jerál iha munisípiu munisípiu Dili to'o fali iha desizaun foun¹ husi Governu relasiona ho inundasaun ka kalamidade pública atu permiti populasaun atu hadia fali danus sira ne'ebé akontese iha inundasaun loron 4 Abril². Sai husi SS iha Munisípiu Dili, Governu mós aprova RG atu mantein impozisaun SS ba Munisípiu Baucau no Viqueque iha 16 Abril, 2021. No mós iha

¹ RG Nú. 33/2021, 9 Abril.

² RG Nú. 32/2021, 9 Abril.

loron 14 Abril, 2021 Governu halo estensaun ba SS ba munisípiu Dili, Baucau, Viqueque no impoin SS ba munisípiu Ainaro, Covalima no Ermera to'o EE 12 remata (2 Maiu, 2021). Regras Governu (RG) maka hanesan tuir mai ne'e:

Tabela Rezolusaun Governu kona-ba Serka Sanitária no Konfinamentu Obrigatóriu

Munisípiu	Serka Sanitária	Konfinamentu Obrigatóriu
Dili	RG nú. 26/2021, 01 Abril RG nú. 39/2021, 15 Abril	RG nú. 27/2021, 01 Abril RG nú. 33/2021, 09 Abril (Suspensaun KO)
Baucau	RG nú. 28/2021, 01 Abril RG nú. 34/2021, 9 Abril RG nú. 40/2021, 15 Abril	RG nú. 29/2021, 01 Abril
Viqueque	RG nú. 30/2021, 01 Abril RG nú. 35/2021, 9 Abril RG nú. 41/2021, 15 Abril	RG nú. 31/2021, 01 Abril
Ainaro	RG nú. 36/2021, 14 Abril	
Covalima	RG nú. 37/2021, 14 Abril	
Ermera	RG nú. 38/2021, 14 Abril	

PARTE I - SUSESU, DEZAFIU NO REKOMENDASAUN

A. Susesu

Iha Estadu Emerjénsia Dala Sanulu-Resin-Rua (EE-12) husi Dekretu Prezidente Repúblika Nú. 17/2021, 31 Marsu PDHJ kontinua nafatin hala'o nia funsaun hodi halo monitorizasaun ba regras EE no medidas prevensaun COVID-19 bazeia ba Dekretu Governu Nú. 12/2021³, ne'ebé aprova medidas ezekusaun ba Deklarasaun EE-12, no lejizlasaun relevante. PDHJ garante kontinuasaun servisu PDHJ nian hodi halo defeza no fiskalizasaun ba direitos, liberdades no garantias fundamentais sidadaun sira nian. No mós garante katak entidades relevantes sira nia responsabilidade tuir nafatin prinsípiu direitos umanus no governasaun di'ak durante implementasaun EE-12.

PDHJ rekoñese nafatin esforsu no servisu tomak ne'ebé maka Governu no Parseiru Dezenvolvimentu Nasionál no Internasionál sira halo ona atu garante nafatin katak Timor-Leste iha kapasidade atu responde no hatan ba problema relasiona ho COVID-19 ne'ebé agora dadaun hada'et no espalla barak liután iha munisípiu hotu iha Timor-Leste. Nune'e mós PDHJ elojia nafatin intervensaun no servisu Governu nian liu-liu pesoál saúde ne'ebé kontinua nafatin fahe informasaun ba comunidade kona-ba COVID-19 no mós ba pasiente sira bainhira sira recupera husi COVID-19.

Nune'e mós PDHJ apresia ba esforsu Ministériu Saúde no CIGC ne'ebé kontinua halo intervensaun mitigasaun COVID-19 liuhusi dalan fornese vasina no kontinua fahe informasaun kona-ba vasina ba sidadaun hotu hodi hasa'e imunidade hodi bele hasoru moras COVID-19. PDHJ mos apresia ba servisu PNTL ne'ebé kontinua halo diseminasaun ba comunidade sira liliu iha vias públicas nomos iha bairu sira.

B. Dezafiu

Dezafiu prinsipál ida ne'ebé PDHJ hasoru wainhira hahú halo servisu monitorizasaun ba EE-12 mak inundasaun ne'ebé akontese iha loron 4 to'o 6 Abril 2021 ne'ebé maka estraga comunidade barak nia hela fatin iha munisípiu balun, tanba ne'e mak laiha possibilidade ba monitor sira husi PDHJ hodi la'o bá realiza servisu monitorizasaun. Hanesan ho sidadaun sira seluk, funsionáriu PDHJ barak mós afetadus ba inundasaun refere ne'ebé sobu sira-nia uma no sasan. Ho exesaun husi monitor sira iha PDHJ DT Baucau mak halo fila fali atividade monitorizasaun ba EE-12 hahú husi loron 6 Abril. Monitor sira iha PDHJ nasional no DT sira seluk mak konsege de'it hala'o fali atividade monitorizasaun depois de loron 9 abril. iha

³ Alteradu ho Dekretu Governu Nú. 13/2021, 19 Abril 2021.

fatin balun no la halo monitorizasaun ba KO iha Dili tanba iha loron 9 Abril 2021 Governu deside halo suspensaun ba KO iha munisípiu Dili no mantein de'it maka SS.

Durante implementasaun EE-12, hahú husi loron 9 Abril to'o 2 Maiu 2021 ne'e, PDHJ kontinua nafatin hala'o monitorizasaun ba iha RAEOA no munisípiu sira hanesan: Baucau, Díli, Lautem, Manufahi no Viqueque. PDHJ la konsege halo monitorizasaun iha munisípiu sira seluk tanba rekursu finanseiru ne'ebé restritu ka limitadu no mós tanba serka sanitária ne'ebé bandu ema atu sirkula bá munisípiu seluk.

Iha monitorizasaun períodu EE-12 ne'e PDHJ haree katak maioria dezafiu boot iha Dili/nasionál no munisípiu sira seluk maka hanesan kumprimentu comunidade sira-nian ba implementasaun regras EE no regras SS sei menus no ladun másimu atu prevene COVID-19 no hakotu korenti virus COVID-19 iha Timor-Leste atu labele hada'et maka'as liután ba fatin seluk ne'ebé mak seidauk afetadu.

Iha sorin seluk PDHJ mós observa katak falta kumprimentu másimu husi comunidade nian ba implementasaun regras EE no regras SS tanba fatores sira hanesan promosaun ka diseminasaun ne'ebé sei menus husi parte relevantes hanesan Ministeriu Saúde liuliu husi MAE servisu hamutuk ho SIJK atu sensibiliza konxiénsia komún ida hodi bele hamutuk kombate ka luta hasoru moras COVID-19 no hakotu korenti moras COVID-19 ne'ebé agora dadaun espalla no hada'et ona iha comunidade sira nia leet no iha ona faze transmisaun komunitária. Falta kumprimentu comunidade nian ba regras EE hanesan la halo distánsia fízika, la uza máskara no la fase liman iha fatin públiku ba uzu koletivu tanba hetan informasaun falsu kona-ba COVID-19 ne'ebé espalla barak hodi halakon comunidade nia konfiansa no diseminasaun ne'ebé la sufisiente husi parte Governu.

Nune'e mós, PDHJ haree husi monitorizasaun ne'ebé hala'o iha RAEOA, Baucau, Díli, Lautem, Manufahi no Viqueque hatudu katak maioria comunidade barak maka seidauk fiar katak COVID-19 hada'et ona iha comunidade nia leet tanba ne'e sidadaun barak sei kontinua halibur malu no la evita aglomerasaun iha fatin públiku, la mantein distánsia, la uza máskara no mós la fase liman.

PDHJ haree durante monitorizasaun ne'e maka kontrolu ba implementasaun regras EE husi autoridade seguransa sira ba kumprimentu comunidade nian seidauk másimu. Aleinde ne'e mós liña koordinasaun entre entidade relevantes sira seidauk másimu wainhira halo intervensaun ba paciente deteta pozitivu ho COVID-19 no bainhira rekopera husi COVID-19 no mós tanba maioria ema ne'ebé detetadu pozitivu COVID-19 laho sintomas ka asintomátiku.

Dezafiu seluk maka COVID-19 ne'ebé hada'et maka'as liután iha comunidade nia leet liliu iha munisípiu Dili, resulta comunidade barak maka pozitivu COVID-19. Relasiona ho ida ne'e, número paciente ne'ebé kontinua aumenta, iha parte seluk kapasidade fatin karantina no izolamentu limitadu. Nune'e mós ekipamentus limitadu ne'ebé implika ba atendentu ba paciente ladun efetivu no fô impaktu ba saúde paciente nian atu bele rekopera lalais.

Aleinde ne'e hanesan iha monitorizasaun EE-1 to'o EE- 12 PDHJ nota katak comunidade barak maka lakohi no tauk ba kuarentena no izolamentu ne'ebé Governu prepara ona. PDHJ mós akompaña no haree katak comunidade barak maka sei tauk no lakohi atu simu vasina Astra Zeneca tanba duvida ho vasina nia impaktu ba saúde ema ida-idak nian no tanba rona mós ba informasaun husi media sosial ne'ebé espalla kona-ba impaktu negativu husi vasina.

Iha implementasaun EE-12, monitor sira husi PDHJ DT RAEOA halo servisu monitorizasaun ba iha sela detensaun Komando PNTL RAEOA mak identifika katak iha Kondenadu ida mak hela iha sela detensaun refere ho moras tanba provoca husi kondisaun ladi'ak iha fatin ne'ebé nia detein bá. Tan ne'e mak iha loron 30 Abril 2021, PDHJ haruka karta ho Ref. N.º 86/PDHJ/IV/2021, ba Ministru Justisa no kópia ba SE PM hodi husu intervensaun ba transferénsia condenadu refere husi RAEOA tanba dezafiu boot ida ba ezeusaun ba desizaun Tribunál maka iha restrisaun SS iha Dili no iha munisípiu seluk ne'ebé mak difikulta ema nia transferénsia mai Dili. Tanba Ministériu Justisa⁴ mak iha kompetensia hodi jere sistema prizonál no ezeusaun penál mak PDHJ diriji rekomendasaun atu intervein hodi fasilita transporte no mekanizmu ba transferénsia condenadu refere ba Prizaun Bekora hodi kumpre desizaun husi Tribunál RAEOA no mós garante nafatin ninia direitu sira seluk.

C. Rekomendasaun

Relasiona ho dezafiu sira ne'ebé PDHJ apresenta iha leten durante monitorizasaun aplikasaun EE-12, PDHJ konsistente nafatin fó rekomendasaun no enkoraja ba Governu liu-liu Ministériu relevante ho SIJK atu kontinua fahe nafatin informasaun ka sensibilizasaun intensiva kona-ba moras COVID-19 ne'e rasik no mós medidas prevensaun COVID-19 ba ema hotu inklui iha suku no mós iha fatin públiku hodi hametin liután comunidade sira-nia koñesimentu no konxiénsia hodi nune'e kumpre regra EE, no medidas prevensaun COVID-19 tuir Dekretu Governu no Rezolusaun Governu sira. Envolvimentu autoridade lokal no autoridade komunitaria sira importante tebes atu halo promosaun ba comunidade sira hodi hasae comunidade sira nia konsiensia kona-ba ameasa no risku hosi covid-19.

Reforsa rekomendasaun ba diseminasaun koñesimentu comunidade nian liuliu ba lejizlasaun sira ne'ebé mak Governu estabelese ba medidas prevensaun COVID-19 mak PDHJ haruka liuhusi karta ho Ref. No. 79/PDHJ/IV/2021, iha loron 13 abril ba Governu hodi fó hanoín ba Governu atu anuncia regras/medidas ho loloos ba públiku akompaña ho baze legál. Informa mós katak iha falta ba lejizlasaun sira ne'ebé mak Governu fó sai ba públiku, iha loron 8 abril, kona-ba regra sira hodi proibe eventu sosiál, kulturál ka desportivu, relijiozu no mantein hela iha uma ba sira ne'ebé mak la envolve iha rekonstrusaun, nst, ne'ebé mak hato'o sein iha baze legál ruma. Tanba iha altura ne'ebá regra/medidas prevensaun ne'ebé aplikável de'it mak medidas deklarasaun EE-12, hodi prevee regra ba distansiamentu sosiál⁵

⁴ Artigu 2.º n.º 2 alínea g) Dekretu-Lei n.º 10/2019 (Orgánika Ministériu Justisa).

⁵ Artigu 12.º DG Nú. 12/2021

no limitasaun ba ba enseramentu temporáriu ba servisu públiku⁶, atividade aprendizajen prezensiál⁷, no suspensaun atividade merkadus no feiras⁸ mak sei liuhusi aprovasaun ba diplomas komplementár sira. Tan ne'e, PDHJ rekomenda ba Governu atu halo lejizlasaun ho klareza no anunsia ho loloos atu nune'e bele taka lakuna sira ne'ebé iha atu nune'e bele fasilita diseminaasaun ba informasaun ne'ebé mak Governu hato'o ba popolasaun liuliu ba grupus vulneravel sira hodi aumenta seguransa jurídika ba normas vijente sira no iha efikasida di'ak ba implementasaun ba medidas ezekeusaun EE.

Tanba númeru kazu ne'ebé aumenta maka'as iha Dili ho númeru vasina ne'ebé limitadu mak PDHJ rekomenda ba Governu atu reforsa ba adezaun ba vasina ida ne'ebé disponível ba sidadaun hotu-hotu, nune'e bele mantein ka hamenus liután númeru kontaminadus. Nune'e mós intensifika diseminaasaun ba comunidade hodi bele hatene impaktu pozitivu husi vasina kontra COVID-19.

Iha karta refere mós fõ hanoin ba Governu hodi estabelese normas ida klara no iha konsonánsia ho protokolus husi OMS ba realizasaun ba serimónia funerál vítima husi COVID-19, hodi hatudu nafatin respeitu ba dignidade matebian nian ba ninia relijiaun ba rituál sira, uzus no kostumes ba matebian no família nian. Nune'e evita mós problema sira hanesan ne'ebé mak akontese ona iha loron 12 Abril iha Sentru Izolamentu Vera Cruz ba impedimentu ba serimónia funerál ba matebian ho moras COVID-19 entre Governu ho parte balun hodi fõ konfuzaun boot ba konfiansa husi povu nian.

PDHJ rekomenda mós ba Governu atu estabelese normas ho respeitu ba igualdade no justu ba ema hotu, hodi disemina didi'ak norma sira ne'e ho forma atu evita konfuzaun ba povu. Ho nune'e evita mós kazu hanesan ne'ebé akontese ho Konselleiru Másimu husi partidu KHUNTU Sr. Naimori (pasiente COVID-19) mak halo izolamentu, ne'ebé afeta mós ba konfiansa husi povu ba ezisténsia COVID-19 iha Timor-Leste.

Relasiona ho atividade monitorizasaun ba akontesimentu iha kuarentena Aeroportu Suai, iha loron 17 abril liga ho kazu estudante sira mak PDHJ liuhusi karta ho Ref. No. 97/PDHJ/V/2021 envia ba Governu hodi rekomenda atu hatuur protokolu ida di'ak no efetivu ba kuarentena ho izolamentu no hadia mós atendimentu ba sidadaun sira.

Iha prosesu monitorizasaun no fiskalizasaun detekta katak iha sentrus kuarentena no izolamentu preparadu husi Governu konsidera dook husi espetativa. Tan ne'e mak PDHJ kontinua rekomenda ba Governu atu tau matan ba sentrus atuál sira no tanba kazu ne'ebé aumenta ba bebe'ik mak Governu presiza prepara sentru balun hodi bele izola ema hotu-hotu ho moras COVID-19 hodi garante kondisaun dignu, ijiene no garante seguransa ba sira hodi halo preparasaun kama ne'ebé disponível ba ema hotu-hotu; ijienezasaun ba kuartu sira, ba áreas komún no ba haris fatin; haketak kuartu ka haris fatin mane no feto nian; asesu ba bee moos ne'ebé sufisiente; garantia kondisoens bázikas ijiene ba refeisaun sira; no kontrola no mós fõ seguransa interna ne'ebé di'ak inklui estabelese regras klaru iha fatin hirak ne'e.

6 Artigu 17.º DG Nú. 12/2021

7 Artigu 18.º DG Nú. 12/2021

8 Artigu 19.º DG Nú. 12/2021

Rekomenda mós atu Governu disponibiliza sentrus izolamentus ne'ebé bele simu família sira no sentrus izolamentu ne'ebé haketak mane no feto. Liuliu iha fatin izolamentu sira balun iha munisípiu mak laiha kondisaun natoon hodi tau paciente COVID-19, hanesan izolamentu iha kazerna PNTL. Same balun laiha kulsaun, kanalizasaun bee moos menus instalasaun liña eletrisidade seidauk di'ak.

Aleinde ne'e PDHJ mós rekomenda ba Ministériu Saúde no SIJK hodi fó atensaun másimu ba fornimentu ekipamentus no facilidades hodi facilita pesoál saúde, PNTL, FDTL no *frontliners* bainhira hala'o atendimentu ba paciente COVID-19. Nune'e mós PDHJ rekomenda ba Ministeriu relevante sira haforsa no mantein liña kooperasaun ne'ebé másimu ho komponente hotu hodi nune'e bele halo atendimentu ne'ebé di'ak.

Iha sorin seluk PDHJ mós kontinua nafatin rekomenda no enkoraja Ministériu Interiór (MI) liuliu instituisaun PNTL hodi servisu nafatin hamutuk ho Ministériu Saúde hodi halo diseminaun informasaun intensivu kona-ba regras EE, medidas preventivas COVID-19 ba comunidade sira hotu. Nune'e mós hala'o kontrolu másimu ba kumprimentu comunidade nian ba regras EE no medidas prevensaun COVID-19 ho profisionalidade no la viola direitos umanus.

Nune'e mós PDHJ halo rekomendasaun ba Ministeriu relevante atu facilita fatin ne'ebé bele fo espasu ba benefisiariu sesta bázika hodi mantein distansiamentu no kumpri regras EE. Aleinde ne'e sujere ba parte relevante atu reforsa kontrolu masimu iha sentru distribuisaun sesta bázika, nomos iha semiteriu.

Hanesan iha EE-11, iha aplikasaun EE-12 PDHJ hakarak mós rekomenda nafatin ba Governu espesifikamente ba Ministériu relevante hodi kontinua nafatin hala'o esforsu másimu hodi haree fila fali ka halo avaliasaun ba medidas hirak ne'ebé implementa ona hahu husi EE-1 to'o EE-12 ho dezafiu sira durante implementasaun EE. Hodi nune'e bele halo política, estratéjia no kria kondisaun atu hatan ba preokupasaun comunidade relasiona ho nesesidade bazika ne'ebé hetan impaktu husi aplikasaun SS no KO hanesan falta ai-han, ho nune'e bele atende no responde ba nesesidade bazika comunidade ho lalais.

PDHJ rekomenda ba Governu atu kumpre dever hodi hakonu sidadaun sira nia direitu nomos promove prinsipiu governasaun di'ak hanesan administrasaun di'ak no responsividade hodi foti medidas ho lalais hodi atende sidadaun sira nia nesesidade bazika liliu família ne'ebe vulneravel no presija tebes hahan hodi sustenta sira nia moris iha tempu krizi ne'e. Importante ba Governu atu habadak ka simplifika burokrasia nune'e bele fo atedimentu lalais no lolos ba sidadaun sira.


PARTE II – REZUMU REZULTADU MONITORIZASAUN

Iha implementasaun períodu EE-12, hanesan esplika ona iha parte Dezafius, PDHJ hala'o observasaun iha terenu durante períodu 9 Abril to'o 2 Maiu hodi haree kona-ba comunidade sira nia Kumprimentu ba implementasaun regras EE no medidas prevensaun COVID-19 bazeia ba Dekretu Governu Nú. 12/2021, 01 Abril, alteradu ho Dekretu Governu Nú. 13/2021, 19 Abril 2021, ne'ebé haree liu ba regras distansiamentu sosiál, devér jerál kooperasaun no mós ba devér espesiál kooperasaun ba responsavel rejionál, munisipál no lideransa komunitária sira nian. Nune'e mós PDHJ halo monitorizasaun ba Rezolusaun Governu (RG) sira kona-ba SS iha munisípiu ne'ebé temi iha Tabela Rezolusaun Governu kona-ba Serka Sanitária no Konfinamentu Obrigatóriu⁹.

A. Área Monitorizasaun

PDHJ halo observasaun ba implementasaun EE-12 tuir Dekretu Prezidente Repúblika Nú. 17/2021, 31 Marsu 2021 no mós halo monitorizasaun ba regras EE, medidas preventivas COVID-19 husi Dekretu Governu Nú. 12/2021, 01 Abril 2021, alteradu ho Dekretu Governu Nú. 13/2021, 19 Abril 2021, no mós regras SS ne'ebé aplikável. Durante aplikasaun EE-12 PDHJ hahú halo monitorizasaun ne'ebé foka liu ba regras EE no SS ba fatin hamutuk lima nulu (50) maka hanesan servisu públiku, komérsiu, merkadu no lojas, distribuisaun sesta bázika no funeral hahú husi loron 6 Abril to'o 02 Maiu 2021. Detallu kona-ba fatin monitorizasaun hatudu iha gráfiku 1 ne'ebé kompostu husi fatin servisu públiku hamutuk fatin tolu nulu resin ida (31), komérsiu fatin hitu (7), Merkadus no lojas iha fatin tolu (3), funeral fatin ida (1) no fatin ba distribuisaun sesta bázika hamutuk lima (5).

Gráfiku 1. Área Monitorizasaun



Aleinde ne'e tuir dados ne'ebé iha PDHJ hetan iha monitorizasaun ba atividades suspensaun hanesan monitorizasaun ba transporte públiku hamutuk rua (2) iha loron 6 ho 8 Abril iha Baucau Vila. No mós iha loron hanesan halo observasaun ba via públicas via iha fatin rua (2)

⁹ pagina 5 acima, durante validade RG.

Baucau Vila, hodi observa kona-ba comunidade nia kumprimentu relasiona ho evita halo aglomerasaun iha fatin publiku. Detallu kona-ba monitorizasaun atividades refere prevee iha gráfiku 2.

Gráfiku 2. Área Monitorizasaun ba atividades




Tuir rezultadu observasaun hanesan mós iha EE-11, PDHJ kontinua haree nafatin katak iha fatin balun comunidade la kumpre regras ne'ebé la'o hela. Aleinde ne'e, PDHJ tuir no monitoriza nafatin informasaun sira ne'ebé fó sai liuhusi media sosiál kona-ba impaktu husi implementasaun EE-12 no SS.

Liután ne'e tuir rezultadu monitorizasaun PDHJ nian iha loron 6 Abril to'o 8 Abril haree katak iha fatin balun movimentu no sirkulasaun kontinua la'o hanesan baibain maske iha aplikasaun EE atu evita halibur ema liu ema nain rua iha via públiku. Maibé tuir realidade iha terenu comunidade kontinua la kumpre hodi halibur malu nafatin. Iha sorin seluk nota mós katak maioria iha fatin komérsiu no merkadu comunidade la kumpre medidas preventivas COVID-19 hanesan la mantein distánsia, la uza máskara no la fase liman bainhira iha fatin refere. Nune'e mós nota katak fatin merkadu no komérsiu balun la prepara fasilidade ijene hanesan bee mós no sabaun fase liman. Aleinde ne'e mós laiha informasaun ka brosurá kona-ba medidas prevensaun COVID-19 iha fatin sira hanesan merkadu no fatin komérsiu.

B. Distansiamentu Sosiál

Durante monitorizasaun implementasaun EE-12, PDHJ halo observasaun ba iha fatin sira ne'ebé prevee iha regras EE-12 hanesan iha servisu públiku hatudu katak maioria funsionariu/comunidade kumpre halo distansiamentu hamutuk sanulu-resin-ne'en (16). Maibé iha sorin seluk iha fatin komérsiu, fatin distribuísiaun sesta bázika, merkadu no funeral maioria la kumpre distansiamentu. Rezultadu hatudu iha gráfiku 3 tuir mai fatin komérsiu fatin lima (5) la kumpre no rua (2) maka kumpre, iha distribuísiaun sesta bázika hamutuk fatin haat (4) la kumpre no ida (1) kumpre, merkadu maioria iha fatin tolu (3) observasaun la kumpre no mós iha fatin funeral ida (1) la kumpre distansiamentu.


Gráfiku 3. Distansiamentu Sosiál



PDHJ haree katak serimónia funerál sei sai nafatin preokupasaun boot tanba maioria comunidade sira la tuir regras medidas preventivas COVID-19 wainhira tuir eventu refere no la respeita regras distansiamentu sosiál ne'ebé prevee artigu 12.º Dekretu Governu Nú. 12/2021 kona-ba regras distansiamentu sosiál.

Liuhusi rezultadu monitorizasaun kona-ba kumprimentu comunidade hodi halo distansiamentu ho ema seluk mak PDHJ haree katak comunidade kontinua halibur malu iha grupu hodi la kumpre distánsia ne'ebé mak prevee ona iha artigu 12.º Distansiamentu sosial DG 12/2021. Bele konfirma númeru iha gráfiku 4 tuir mai ne'e:

Gráfiku 4. Evita halibur iha grupu



Gráfiku 4 iha leten amostra katak iha fatin servisu públiku maioria evita atu halibur malu hamutuk iha fatin sanulu-resin-neen (16), relasiona ho servisu tuir turnu no hala'o servisu husi uma, la evita sanulu (10). Iha fatin komérsiu haat (4) evita halibur malu rua (2) maka la evita halibur malu. Iha merkadu no lojas mairoia iha fatin ne'ebé PDHJ halo observsaun ba la evita halibur malu tolu (3). Nune'e mós, iha distribuissaun sesta bázika maioria ema la evita halibur malu hamutuk fatin tolu (3).


Tuir rezultadu rezultadu hatudu katak maske instituisaun rejionais no lideransa komunitáriu sira fahe ona informasaun kona-ba medidas preventivas COVID-19, maibé comunidade

barak kontinua nafatin la kumpre regra ba distánsia sosiál hodi kontinua nafatin halibur malu iha atividades sira ne'ebé prevee iha DG EE-12.

C. Uza Máskara

Durante implementasaun EE-12, ekipa halo mós observasaun ba Kumprimentu comunidade nian kona-ba uza máskara ne'ebé prevee iha artigu 12 Dekretu Governu Nú. 12/2021. Detallu kona-ba comunidade nia Kumprimentu uza máskara iha fatin públiku amóstra iha gráfiku 5.

Gráfiku 5. Uza Máskara



Gráfiku 5 demostra katak iha fatin servisu públiku maioria comunidade/funsionária uza iha fatin rua nulu resin ida (21) uza máskara no la uza máskara fatin lima (5) de'it. Iha fatin komérsiu haat (4) uza máskara no la uza máskara fatin rua (2). Nune'e mós iha merkadu fatin rua (2) la uza máskara no uza máskara ida (1), iha fatin distribuisaun sesta bázika maioria la uza máskara fatin tolu (3) no uza máskara ida (1), maibé iha eventos funerál maioria kumpre uza máskara.

D. Fase Liman

PDHJ Iha implementasaun EE-12 ne'e halo observasaun direta hodi haree comunidade nia obediénsia kona-ba medidas preventivas COVID-19 liuliu fase liman molok no hafoin hala'o atividades iha fatin públiku no privadu.

Gráfiku 6. Fase liman



Gráfiku 6 hatudu katak ein jeral iha fatin servisu públiku comunidade/funsiunáriu fase liman sanulu-resin-sia (19) no hitu (7) maka la fase liman, fatin komérsiu haat (4) fase liman no rua (2) la fase liman, fatin funeral fase liman ida (1), merkadu fatin rua (2) fase liman no ida (1) la fase liman. Iha sorin seluk iha fatin distribuissau sesta bázika ein jerál benefisiáriu sira la fase liman hamutuk tolu (3) no fase liman ida (1).

E. Devér Jerál Kooperasaun

Durante períodu implementasaun EE-12, PDHJ halo monitorizasaun ba iha fatin sede suku, komérsiu, merkadu no lojas sira iha munisípiu Baucau, Dili, Liquiça, Manufahi, Viqueque no RAEOA hodi haree kona-ba regras EE no medidas preventivas COVID-19 nune'e mós ba entidades sira. Rezultadu observaun hatudu katak ein jerál comunidade kontinua nafatin la kumpre regras prevensaun COVID-19 maske aplika ona SS ba iha munisípiu refere. Hanesan laiha distansiamentu iha fatin públiku, la evita halibur malu iha grupu iha vias públicas no la fase liman maske entidade relevantes fô informasaun ona no prepara ona facilidade fase liman. Maibé iha EE-12 husi observaun haree katak maioria iha fatin observaun balun comunidade kumpre ona uza máskara.

F. Devér Espesiál Kooperasaun ba Responsavel Rejionál, Munisipál no Lideransa Komunitária sira nian

PDHJ halo monitorizasaun kona-ba implementasaun EE-12 relasiona ho devér kooperasaun ba responsavel rejionais no lideransa komunitáriu liu-liu durante distribuissau Programa sesta bázika iha sede suku, rezultadu hatudu katak entidades relevante sira iha duni komitmentu atu fahe informasaun nafatin kona-ba medidas preventivas COVID-19 molok hahú distribuissau tuir artigu ne'ebé hatuur iha Dekretu Governu. Maibé iha terenu hatudu katak comunidade la kumpre regras hanesan distansiamentu sosiál no la fase liman maske iha ona informasaun husi entidades relevantes no facilidades ijiene iha.


PARTE III – ATIVIDADE PDHJ

PDHJ bazeia ba nia knaar no kompeténsia ne'ebé hatuur iha Konstituisaun RDTL no Estatutu PDHJ, iha implementasaun EE-12 ne'e kontinua hala'o atividades hanesan simu kesar, halo monitorizasaun no rekomendasaun.

A. Tratamentu Kesar

PDHJ durante iha implementasaun EE-12 kontinua simu nafatin kesar husi comunidade kona-ba violasaun direitus umanus no governsaun di'ak ne'ebé akontese durante aplikasaun medidas regras EE -12. Dadus detalladu amostra iha gráfiku 7 tuir mai ne'e:

Gráfiku 7 Tratamentu Keixa



Gráfiku 7 iha leten hatudu katak keixa ne'ebé PDHJ simu durante implementasaun EE-12, maka hamutuk ualu (8) kompostu husi keixa ho indísus violasaun governasaun di'ak ne'en (6) no keixa indísus violasaun direitus umanus rua (2) de'it. Husi detallu ne'ebé amostra iha gráfiku hatudu katak keixa ne'ebé tama durante EE-12 diminui ba ualu (8) de'it kompara ho keixa ne'ebé PDHJ simu iha EE -11 hamutuk sanulu resin ne'en (16). Ne'e hatudu katak violénsia governasaun di'ak no direitus umanus menus no demóstra katak durante implementasaun EE-12 entidades hotu kumpre regras SS no bainhira autoridade seguransa sira hala'o kontrollu ba implementasaun regras EE-12 ho profesionalidade no la ho agregasaun fiziku. Keixa hirak ne'ebé hatu'o ba PDHJ maioria mai husi mane hamutuk ualu (8) no keixa mai husi feto no anonimu laiha. Keixa hirak ne'ebé hatu'o durante EE-12 ne'e

liu husi meius hato'o husi nain rasik ne'en (6), telefone ida (1), karta ida (1) no liu husi WA no email laiha.

Husi gráfiku iha leten mós hatudu katak maioria keixa hirak ne'e mai husi Dili hamutuk lima (5), DT Maliana tolu (3) no DT Baucau, Same no RAEOA laiha keixa durante EE-12.

B. Monitorizasaun

Durante implementasaun EE-12, PDHJ halo monitorizasaun ba asuntu sira ne'ebé maka regula iha Dekretu Governu 12/2021, 01 Abril, alteradu ho Dekretu Governu Nú. 13/2021, 19 Abril 2021, kona-ba Medida Ezekusaun ba Deklarasaun EE-12, espesifikamente iha artigu 12.º (*Regras de distanciamento social*), artigu 23.º (*Dever geral de cooperação*) no mós artigu 24.º (*Dever especial de cooperação dos responsáveis regionais, municipais e lideranças comunitárias*). Aleinde ne'e, observa mós RG sira kona-ba SS ne'ebé mak refere ba Tabela iha leten.

C. Intervensaun urjente liu husi rekomendasaun espesifika ba entidade sira

Hahú kedas husi EE-1 to'o mai EE-12, PDHJ kontinua nafatin halo rekomendasaun, tratamentu ba kesar no mós PDHJ uza nia poder hodi halo mós intervensaun urjente ba entidades públicas sira hodi husu atuasaun ne'ebé respeita ba prinsípiu direitus umanus no governasaun di'ak. PDHJ iha períodu aplikasaun EE-12 halo mós intervensaun liu husi hato'o relatóriu no mós enkamiña keixa ba autoridades relevante sira.

Dili, 19 Maiu 2021


Jesuina Maria Ferreira Gomes, MPA

Provedora



PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLIKA

TIPU REKOMENDASAUN REKOMENDASAUN

Prevensaun – Distansiamentu sosial

MTC
MS
MI

Dezenvolve regulamentu ka
Sistema kontrolu

PDHJ iha EE-12 kontinua rekomena ba Governu hodi kontinua fô atensaun másimu atu determina instrusaun klaru ba entidades públicas sira hodi kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, no mós kontinua suporta facilidades no ekipamentus nesesárius ba edifísiu ne'ebé fô atendumtu públiku hodi asegura implementasaun regra prevensaun COVID-19.

MAE
Lideransa komunitáriu

Kumprimentu ba regras
Estadu Emerjénsia

PDHJ mós kontinua rekomena nafatin ba Governu partikularmente MAE hodi fô nafatin orientasaun klaru ba lider komunitáriu sira hodi kontinua nafatin disemina informasaun ba medidas preventivas Covid-19 ba comunidade.
Diseminaun persuasive ba comunidade kona-ba protokolu ne'ebé hala'ô iha sentru saúde, hospital, kuarantena nomós izolamentu nomós protokolu prosesu funeral ema ne'ebé mate ho no tanba COVID-19, hodi hasae comunidade nia konhesimentu nune'e bele hametin comunidade nia fiar hodi bele kontribui ba programa hakotu korenti COVID-19 iha Timor-Leste.

PDHJ mós rekomena ba MAE servisu hamutuk ho autoridade komunitaria hanesan xefe suku , xefe aldeia atu halo dadus ne'ebé propio no lolos kona-ba comunidade/trabalhador lojas konstruksaun/mobiliaria sira ne'ebé maka nia rendementu hetan diariamente ka la fíksu, hodi nune'e bele hataan ba comunidade refere nia nesidade bazika bainhira suspende atividades hirak ne'e iha implementasaun EE tuir mai.

MS
MI
MOP

Dezenvolve regulamentu ka
sistema kontrolu no fornese
ekipamentus no facilidades

PDHJ rekomena ba Governu espesifikamente ministériu relevante sira hodi kria mekanizmu ida ne'ebé bele garante kapasidade hodi kontrola propagaasaun moras COVID-19 iha Timor-Leste ne'ebé iha transmisaun lokál, no mós kontinua reforsa instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, merkadu, edifísiu públiku, no fornese ekipamentu no facilidades apoiu iha sentru saúde sira ne'ebé servisu iha liña fronteira, inklui fornese máscara no fasilita bee ba tanki sira ne'ebé instala ona iha EE- 1 to'o EE-12. Haree ba número kazu ne'ebé kontinua aumenta nune'e nafatin rekomena ba Governu atu

aumenta fatin izolamentu atu bele akomoda pasiente sira. PDHJ rekomena hodi estabese sentru izolamentu ketak-ketak ba mane, feto no mós sentru izolamentu ba família sira.

PDHJ kontinua rekomena ba Governu liuliu ba Ministériu sira ne'ebé iha serbisu kona-ba atendimentu públiku nian (hanasan Ministériu Solidariedade Sosial no Inklusaun, Ministériu Saúde, Ministériu Obras Públicas no Ministériu Edukasaun, Juventude e Desportu, nst) atu kontinua fó instrusaun espesífika ba entidade pública sira hodi estabese instalasaun tanke no bee disponivel iha fatin públiku sira, forneshimentu máscara no indika pesoál movel hodi haforsa sistema kontrolu iha fatin instalasaun sira.

PDHJ kontinua rekomena ba Governu hodi fornese ekipamentus ka fasilidades ba protesaun hanesan máscara, *handsanitizer/alcol* ba sidadaun sira liuliu sira ne'ebé kbi'it laek no estudante sira no mós firme nafatin hodi rekomena ba autoridade pública sira hodi kontinua halo kontrollu no manutensaun ba iha fasilidades ne'ebé instala ona tuir padraun hosi organizasaun saúde mundial, no mós kumpre hodi mantein distansiamentu sosial no evita halibur malu iha grupu.

PDHJ kontinua nafatin rekomena ba Governu atu intensifika informasaun iha nivel comunidade liuliu ba grupu vulnerável sira no uza métodu ne'ebé bele iha impaktu pozitivu muda comunidade nia hahalok atu bele prevene hada'et moras COVID-19 ho susesu. Rekomena mós ba Prezidente Autoridade RAEOA atu fó instrusaun ba lider komunitáriu sira hodi kontinua disemina regras Estadu Emerjénsia relasiona ho medidas preventivas COVID-19 ba comunidade RAEOA. Informasaun konforme lejilasaun ne'ebé aprovada ona.

PDHJ rekomena ba Governu atu garante katak informasaun kona-ba sidadaun nia identidade iha konfinamentu obrigatóriu bele fó sai de'it bainhira iha autorizasaun ka konsentimentu hosi sidadaun refere.

PDHJ nafatin kontinua rekomena ba Governu partikularmente ba *(Ministério Dos Assuntos Parlamentares E Comunicação Social)* hodi kontinua promove koñesimentu hosi responsável média ba fatin kuarentena sira kona-ba prinsipiu autorizasaun ka konsentimentu hosi ema privadu nian atu hetan filmajen no fó sai informasaun kona-ba ninia situasaun saúde nian sei depende ba autorizasaun ida-idak nian.

PDHJ sujere ba MAPCOMS atu kria meius ida atu hamenus informasaun falsu ne'ebé

**Entidade fiscalizador (MEJD
MSSI, MOP...)**

Kumprimentu regra EE no instalasaun fasilidades

MS
MAE
MSSI

Garante asesu ba rekursu ka fasilidade no mós kumprimentu ba regra medidas preventivas COVID-19

SECOMS
MEJD
MS
PA-RAEOA

Asesu ba Informasaun

MS, CIGC, SECOMS,

Respeita direitu privasidade

MAPCOMS

Responsabilizasaun

espalla buras iha rai laran kona-ba COVID-19 iha Timor-Leste nomós relasiona ho vasina, hodi hametin konfiansa komunidad nian ba Pesoál saúde no Ministeriu Saúde hodi bele koopera no kontribui hodi hakotu korentu virus COVID-9 iha Timor-Leste.

Direitu ba Asisténsia Médika iha Ámbitu Jerál

PA-RAEOA

Garante asesu ba servisu públiku

PDHJ rekomenda ba Governu, liu-liu autoridade RAEOA, tenke garante funsionamentu ba facilidade saúde iha pontu entrada sira hanesan portu Kitahara Mahata, fronteira Sakato, no Oesilo, no populasau RAEOA einjerál.

MS no CIGC

Haforsa kapasidade

PDHJ iha EE-12 rekomenda nafatin ba Governu hodi kontinua hadi ak liután servisu hanesan facilidade kuarentena hodi garante tratamentu dignu, kondisaun di'ak no promove preparasaun hosi autoridade saúde no mós iha orientasaun klaru kona-ba disponibilidade ai-moruk, tratamentu no ai-hán ne'ebé bele garante sidaun nia saúde durante tempu iha kuarentena. Nune'e mós PDHJ rekomenda nafatin iha EE-12 atu Governu planeia hodi sosa materiais prevensaun hodi distribui ba facilidades saúde iha territóriu laran inklui eskola sira nível primária to'o superior. PDHJ rekomenda iha fatin kuarentena separado para mane no feto.

Direitu ba Ai-han, Moris Adekuadu no Direitu Traballu

MSSI
Implementasaun efektivu ba atividade/planu

Durante implementasaun EE-12 PDHJ kontinua rekomenda nafatin ba Governu partikularmente ba MSSI no CLN hodi garante ajuda umanitária, hanesan ai-han báziku ba ema vulnerável sira.

Moris la ho Violénsia no Asesu ba Justisa

MI
PNTL
MS

Haforsa kapasidade no kuantidade

EE-12 PDHJ reafirma nafatin hodi rekomenda tan ba Komandu Jerál PNTL atu kontinua promove koñesimentu PNTL ba nesidade hodi mantein no hametin aplikasaun prinsipiu polisiaun komunitáriu, liuhusi kria komunikasaun di'ak ho komunidad no atensaun espesial ba membru komunidad sira ne'ebé vulnerável liu.

PDHJ mós kontinua rekomenda nafatin ba Governu espesifikamente Ministeriu Interior atu iha sesaun treinamentu ba ofisiais polisia kona-ba Kumprimentu ba leis no kontinua fó instrusaun klaru ba subordinadu bainhira kumpre misaun servisu iha terrenu.

Iha EE-12, PDHJ mós komprometidu hodi rekomenda ba (MI) espesialmente PNTL hodi bele aumenta personil UPF iha fronteira hodi garante katak laha movimentu ilegal.

PDHJ mós rekomenda nafatin iha EE-12 ba Ministeriu Saúde hodi kontinua disemina medidas preventivas COVID-19 hodi hasae konxiénsia komunidad ho servisu hamutuk MI partikularmente ba PNTL hodi kontinua halo kontrolu ba aplikasaun medidas preventivas COVID-19 ho profisionalidade la ho aktu violasaun direitus umanus.

Asesu ba Edukasaun

MEJD MESCC (Ministério do Ensino Superior, Ciência e Cultura)	Dezenvolve regulamentu ka sistema	PDHJ rekomenda ba MEJD no MESCC atu kria sistema prosesu aprendijajen ne'ebé fasilita estudante hotu iha territóriu laran bele asesu nafatin eskola husi uma hanesan eskola online durante eskola prezensial taka to'o tinan oin hodi garante nafatin direitu estudante nian ba edukasaun. Nune'e mos rekomenda ba Ministeriu relevante durante eskola prezensial taka atu fasilita mos materia manorin ba estudante hotu territóriu hodi nune'e estudante sira bele akompanha eskola husi uma ho efektivu. Iha sorin seluk, PDHJ kontinua rekomenda nafatin ba Ministeriu Edukasaun Juventude Desportu atu mantein oras hanorin (online/ não prezensial) ba estudante sira iha âmbito pandemia COVID-19. Rekomenda mos ba Ministério do Ensino Superior, Ciência e Cultura atu estabele prosesu aprendijajen ho meius eskola husi uma hanesan eskola on-line atu nune'e bele garante nafatin direitu ba edukasaun. Nune'e mos sujere ba Ministeriu tenke assegura estudante sira iha asesu ba eskola on-line.
Atendimentu Públiku	MS Garante asesu ba rekursus materiais Diseminaasaun Informasaun	PDHJ rekomenda ba MS atu kontinua nafatin fó apoiu materiais prevensaun COVID-19 ba sentru saúde, postu saúde no ospital referál sira iha munisípiu hotu hanesan máskara, hand sanitaizer no <i>termu scanner</i> ba PNTL, FDTL no <i>frontliners</i>. PDHJ rekomenda mós ba MS ho SIJK atu halo diseminaasaun informasaun ne'ebé kona-ba protokolu atendimentu ba pasiente iha sentru saúde no hospital nomós esplikasaun klean kona-ba pasiente ne'ebe mate tanba no ho COVID-19 no mós hadi'ak prosesu funeral ba ema ne'ebe mate tanba COVID-19 ho dignu tuir protokolu OMS. Maibé fó importánsia ba kultura.
SAS	Garante asesu ba bee mós	PDHJ rekomenda nafatin ba Governu atu dezenvolve estratéjia ida ne'ebé bele halais asesu ba bee moos ba ema hotu-hotu no garante katak comunidade tomak sei iha asesu ba bee moos atu hatan ba nesesidade uma laran no ijene. Akresenta mós iha EE-12 ba Governu espesifikamente SAS atu halo planu no prevee orsamentu hodi instala bee moos ba eskola sira, edifísiu públiku iha territóriu laran atu kontribui ba ema moris di'ak no ijene no indika responsavel espesifiku hodi halo kontrolu ba instalasaun sira ne'ebé estabebesidu.

PARTE V - TABELA II. FATIN MONITORIZASAUN

Nu	Suku	Komérsiu	Servicos públicos	Funerál	Eventu Desportu	Mercados no Lojas	Vendedores Ambulantes	Trasporte público	Kulturais	Religioso	Via Publica
1	Suku Tirilolo Iliomar, Lautem	Supermerkadu xina CCD oin	Fatin Tranzitu Manelu, Metinaro	Funerál Semiteriu Manleua na		Merkadu taibessi		Transporte publiku iha Baucau Vila			Refujiadu ministeriu finansas
2	Suku Iliomar Il, Lautem	Lita store warehouse	BNCTL Dili			Merkadu Baucau Vila		Transporte Publiku iha Baucau Vila			Pontu entrada tasi tolu
3	e Suku Bahu- Baucau	Fatin komérsiu Baucau Vila	SUJK Dili			Merkadu tradicional Maumate Suku		Roo Success			Via publikas fatin

8	Cesta Bazika iha Suku Costa	Kuarantena Same								Movimentu iha area vila patrolahem entu husi task force
9	Cesta bazika Bairo Oetulu	Armajen DNGRD Same								Via publikas Laga Vila
10		Izolamentu Same								
11		Postu vizilansia Triloka								

[illegible]

[illegible]

[illegible]

	DSTT Baucau	
	Portu IWAO Mahata - RAEOA	
26		
27		
28		
29		
30		
31		